

Confr
Corp



59952

kat.komp

III

Mag. St. Dr. P

Teol 4019

1669-10 211111

Pisaniowski Stanisł. Jan. Filii accrescenti Joseph.

FI

N



S.

C R

S

Pat

In a

M. S T

In O

FILIVS ACCRESCENS JOSEPH

Nouo deuoti cultûs incremento
adauctus;



S I V E

59952

Inclyta Confraternitas

S. JOSEPH.

Cum primùm

CRACOVIAE AD AEDES
SS. MICHAELIS & IOSEPH,
Patrum Carmelitarum Discalceatorum

*Ritu solenni, magnâq; celebritate
introduceretur;*

In argumentum publicæ lætitiæ, debitæq; pietatis.

A

M. STANISLAO IOSEPHO BIEZANOWSKI,
Lepol. P. D. C. M.

Obuia deuota gratulationis affectu,

E X C E P T A.

Anno Salutis 1669. Die 18. Martij.

CRACOVIAE,
In Officina Stanislai Piotrkowczyk, S.R.M. Typ.

(S)(+)(S)

FILIVS ACCRESCENS IOSEPH,

Ad Augmenta tua,

Nouo iterum gloriae vocaris accessu,
dilecte praeceteris Patri, semperq[ue] in auge gratia,
Diuinissime IOSEPH.

Seriùs te quidem, pulcherrima Rachel Ecclesia peperit;
sed pulchrum facie, decorumque aspectu;
ut extremo saeculo natus, dilata senectutis gaudia, compensares facundius.

feruentior in orbe Christiano cultus tuus,
castos à Seraphica Virgine TERESSA, concepit ignes;
cuius ipsam etiam, in IOSEPH Prorege Aegypti umbram,
incastæ, Putipharis in domo, non adussere flammæ.

ita nec nasci, in figura tua voluisti;
nisi extremo Patris Senio;
nec renasci in animis, nisi casto seraphicæ Virginis partu.

Serus quidem inter Fratres,
inter Patriarchas nouissimus; omnium tamen summus,
semperq[ue] accrescens Filius.

Sedecim annorum puer, qui te præsignauerat,
inuidiam fratrum meruit;

Sedecimo post Christum natum saeculo,
nouam tu Confraternitatis gloriam;
recenti semper augmento, ex ipsa etiam cisterna sterili crescens.

Manipulum tuum consurgere,
dum alij senio mundi, incuruantur, opus est;
ut cultus tuus tantò calentior sit; quantò magis refrigescit charitas;

atq[ue] ut quos serò recepit;
suauius deosculetur fratres;
cadatq[ue] super ceruices singulorum, serò agnitus IOSEPH.

Ergò progredere felix,
Desiderium collium æternorum.

Crescere te Dominus fecit, non iam in terra paupertatis tua;
sed ubi ipse, vno te Regni solio præcedit;

qui cum, vniuersam tibi credidisset substantiam suam;
Sponsam etiam non exclusit.

Sub hoc annulo desponsationis tuæ;

Animas etiam CHRISTO desponsari oportuit.

Solicitò nimirum animarum salutis Oeconomo;
ad cuius Oeconomiam, ipse quoque Salvator mundi pertinuit.

Sub eius certè,

tunica

tunica polymita, vesteque talari,
nouam institui Sodalitatem, conuenientissimum fuerat;
quæ ut plures caperet, laxius se expandit.

Quin &

stolas quoque byssinas, fratribus suis parauit;
facturus idem, novissimæ Confraternitati suæ;
quod cum minimo olim BENIAMIN;
in stola, & partibus, abundantius cæteris factum.

Sed quis nouissimam dixerit?

cuius in principio VERBUM,
VERBIQ; INCARNATI Mater, & vtriusque Custos,
Nutritiusq; IOSEPH.

Prima sunt hæc, & summa,

Albo Confraternitatis huius inscripta nomina;
primi in libro vitæ characteres;

I E S V S, M A R I A, I O S E P H.

Ab hac Sodalitate coepit, omnis electorum Confraternitas;
cum de Filio DEI, quod olim de Ioseph, verum dici coepit;
FRATER NOSTER, & CARO NOSTRA est.
Annos hic, & quadragenas Indulgentiarum, non requiras;
vbi continua æternitatis, indulgentia plenaria est,

Ad Priuilegia & prærogatiuas omnes,
vnicum hîc abundè sufficit,

Æternum diploma VERBUM;
in quo omnia, supra quod nihil.

Appendit hîc sigillum suum, qui septem signacula soluit;

Occisus ab origine mundi AGNVS;

ne fera pessima comedat, ne bestia deuoret IOSEPH;

& quos ille, in Cathalogum Vitæ,
Confraternitate suâ transcripsit.

O igitur felices Animæ!

quas huc, feruentior deuotionis spiritus egit.

Date nomina vestra secure illi;

cui nomen, quod est super omne nomen,

In VERBO INCARNATO, creditum est.

Nutritius hic, nutritoris omnium;

quanti valoris animæ, coram DEO sint; optimè nouit;

quas in capite electorum CHRISTO gestauit.

Dulce hoc, & pretiosum pondus, feret circumspicere;

ceu speciosum præ filiis hominum tulerat.

secura omnia, sub hoc Oeconomo;

ad quem vox illa;

Vade, & vide, an omnia sint prospera, erga fratres tuos.

Quidni

quidni id tutò sperare liceat?
cuius Sponsæ, Dominus tecum;
de quo in IOSEPH figura, Dominus erat cum eo, dicitur.
Ecce Puer ille, manu ductore IOSEPH;
qui proficiebat aetate, & sapientiâ;
delicias cum filiis hominum habiturus,
ad hanc Confraternitatem descendit.
Adeste paruuli, & humiles corde;
super vos requiescet spiritus eius;
qui ut, in familia Domini censeamini;
ad Magnum Patrem familias,

Ite ad IOSEPH.

Franget ille panem esurientibus; qui frumentum electorum seruauit;
dabitque gustum deuotionis facile; cui, omne delectamentum domi est.
prælibauit illud,

Seraphicæ Matris Teressæ gustus;
tam sapidus, tam ingens;
quàm magnum esse oportuit; qui primæuam Carmeli
austeritatem dulcoraret.

huc te nouam hospitem, dum confers;
SACRA CONFRATERNITAS;

obuijs te vlnis, excipit CRACOVIA;
ut quibus coeli terræque gestauit imperium;
depositam eius, excipiat vlnis coronam,
Diuinitatis Prorex in terris IOSEPH;
in quem, cum deuotio efflorescat;
ex hoc felici, auctæ, in accrescentem Filium, pietatis augurio,
Felicitas Regni non decrescet.



nit;
ni est.

